



Mewn llafur mae elw

PROSPECTWS YSGOL HENRY RICHARD



CYNNWYS

- GAIR GAN Y PENNAETH
- CEFNDIR YR YSGOL
- PWY YW PWY?
- CATEGORIAU IAITH YR YSGOL
- EIN GWELEDIGAETH
- FFÊS 1
- FFÊS 2
- TROSGLWYDDO I FLWYDDYN 7
- FFÊS 3
- GOFAL BUGEILIOL
- YSGOL GYNHWYSOL
- ADDYSGU A DYSGU
- CYFLEOEDD ALLGYRSIOL
- TREFN Y DYDD
- GWISG YSGOL
- YSGOL RIENI-GYFEILLGAR
- MANYLION CYSWLLT



YSGOL HENRY RICHARD

Mewn llafur mae elw

HENRY RICHARD

GAIR GAN Y PENNAETH



Mewn llafur mae elw

Pleser gennyf yw eich croesawu chi i Ysgol Henry Richard a chyflwyno'r prospectws hwn a fydd yn rhoi gwybodaeth i chi am yr ysgol a'n gwerthoedd. Rydym wrth ein bodd eich bod yn ystyried Ysgol Henry Richard fel sefydliad addysgiadol ar gyfer eich plentyn. Rydym yn ymfalchïo yn ein perthynas gyda'r cartref ac yn gweld y cyfathrebiad clir yn allweddol i ddatblygiad ein disgyblion.

Rydym yn ysgol pob oed o dair blwydd oed i un ar bymtheg mlwydd oed ac yn falch iawn o sut rydym yn gweithredu i sicrhau llwybrau dysgu i bob plentyn, ond yn bwysicach byth, y llwybr i ddatblygu'n bersonol ar draws yr ysgol. Rhennir taith addysgol y disgyblion mewn i dair ffês o Ffês 1 (Meithrin i flwyddyn 4) i Ffês 2 (Blynyddoedd 5-8) ac yna Ffês 3 (blynyddoedd 9-11). Rydym wedi creu ethos addysgol a rennir gan bawb sy'n cefnogi disgyblion o 3-16 ac yn gosod disgwyliadau uchel a darparu gofal bugeiliol cyson i bob unigolyn. Yn sicr, yn Ysgol Henry Richard mae pob un disgybl yn cyfri.

Mae Ysgol Henry Richard yn cynnig addysg a phrofiadau arbennig sy'n addas i bob plentyn beth bynnag ei ddiddordebau ac uchelgais. Credwn fod yn bwysig fod pob un plentyn yn cael y cyfle i gyrraedd ei lawn botensial mewn amgylchedd gofalggar, uchelgeisiol a hapus.

Yn sicr, mae gennym berthynas dda gydag ysgolion cynradd cyfagos ac yn sicrhau trefniadau pontio effeithiol wrth i rai disgyblion ymuno gyda ni ar gyfer blwyddyn 7. Yn ystod blwyddyn 6, bydd disgyblion yn cael cyfle i fynychu diwrnod pontio unwaith bob hanner tymor ble byddant yn ffocysu ar un maes dysgu a phrofiad bob tro. Pwrpas y diwrnodau yma yw dod i adnabod athrawon newydd ond hefyd er mwyn cwrdd â ffrindiau newydd o ysgolion gwahanol. Mae datblygu perthynas gyda'r cartref yn hanfodol bwysig i sicrhau fod eich plentyn yn hapus a llwyddo yn Ysgol Henry Richard. Felly gwelir fod cyfarfod gyda chi fel rhieni/gofalwyr yn allweddol wrth baratoi eich plentyn boed yn cychwyn yn y Meithrin yn dair oed neu ymuno ar hyd y daith o 3 i 16.

Os oes gennych unrhyw gwestiynau yn dilyn darllen y prospectws yma, mae croeso i chi gysylltu. Gallwn drefnu eich bod yn ymweld gyda'r ysgol er mwyn cael taith o amgylch yn ogystal â chwrdd gyda staff yr ysgol.

Dorian Pugh

Pennaeth



CEFNDIR YR YSGOL



Sefydlwyd Ysgol Henry Richard yn 2014 pan unwyd ysgolion cynradd Tregaron a Llanddewi Brefi yn ogystal ag Ysgol Uwchradd Tregaron. Mae'r ysgol yn darparu ar gyfer disgyblion o 3 i 16 oed.

Mae'r ysgol yn unigryw lle mae cydweithio agos ar draws sectorau. Mae ymdeimlad agos o berthyn a theulu. Does dim yn well na chynnal gwasanaeth ysgol gyfan a thrwy weithgareddau a digwyddiadau fel hyn mae'r disgyblion, beth bynnag eu hoed, yn elwa o'i gilydd.

Ymfalchiwn hefyd yn yr adnoddau a'r cyfleusterau arbennig sydd gennym yn Ysgol Henry Richard. Mae'r ysgol wedi ei lleoli mewn ardal amaethyddol a nid pob ysgol sy'n medru dweud bod fferm ganddyn nhw ar dir yr ysgol lle mae'r adran Amaeth yn magu defaid! Mae gampfa fendigedig ar ei newydd wedd sy'n cynnwys ystafell ffitrwydd ac ystafelloedd newid gwyh. Rydym hefyd yn ffodus o ardal chwaraeon allanol o ran chwaraeon sy'n cynnwys cyrtiau tenis a chaeau gwastad.

Deallwn bwysigrwydd buddsoddi mewn adnoddau digidol er mwyn gweithredu ar gwricwlwm Cymhwysedd Digidol mor effeithiol a phosib ac o ganlyniad mae gennym offer technegol o'r radd orau.

Mae croeso i chi gysylltu â'r ysgol er mwyn trefnu ymweliad.



PWY YW PWY?


Uwch Dîm Arwain



Mr Dorian Pugh
Pennaeth



Mr Huw Bonner
Dirprwy Bennaeth



Mrs Catrin Davies
Pennaeth Cynorthwyol

Arweinwyr Cynnydd



Miss Sioned Davies
Arweinydd Cynnydd
Ffês 1



Mr Iwan Davies
Arweinydd Cynnydd
Ffês 2



Mrs Louise Sherman
Arweinydd Cynnydd
Ffês 3 (0.8)



Mrs Meira Harries
Arweinydd Cynnydd
Ffês 3 (0.2)

Anghenion Dysgu Ychwanegol



Mrs Ffion Llwyd Davies
Cydlynnydd Anghenion Dysgu Ychwanegol

CATEGORIAU IAITH YR YSGOL



Cymraeg yw'r brif iaith ar gyfer cyfathrebu mewnol yn yr ysgol. Mae'n cyfathrebu â rhieni a gofalwyr naill ai yn Gymraeg, yn Saesneg neu'n ddwyieithog yn ôl yr angen. Mae hon yn ysgol sydd ag ethos Cymraeg cadarn, gan gefnogi a galluogi'r dysgwyr i ddefnyddio'r Gymraeg ym mhob cyd-destun cymdeithasol yn yr ysgol a'r tu allan iddi.

Diffinnir categori iaith Ysgol Henry Richard mewn dwy ran, un categori ar gyfer y Meithrin i flwyddyn 6 a'r llall ar gyfer blynyddoedd 7 i 11.

Meithrin i flwyddyn 6

Yn ôl canllawiau Llywodraeth Cymru ar gategoreiddio ysgolion yn ôl y ddarpariaeth cyfrwng Cymraeg, o Fedi 2022 bydd Meithrin i flwyddyn 6 Ysgol Henry Richard yng nghategori 3: Cyfrwng Cymraeg.

Bydd disgyblion yn dilyn meysydd dysgu trwy gyfrwng Cymraeg yn llawn hyd at ddiwedd blwyddyn 2. Yna ym mlwyddyn 3, cyflwynir Saesneg fel pwnc dysgu gyda phob maes arall yn cael eu haddysgu trwy gyfrwng y Gymraeg. O 7 oed ymlaen bydd o leiaf 80% o weithgareddau ysgol y dysgwr (yn gwricwlaidd ac yn allgyrsiol) yn Gymraeg.

Blynyddoedd 7 i 11


Yn ôl canllawiau Llywodraeth Cymru ar gategoreiddio ysgolion yn ôl y ddarpariaeth cyfrwng Cymraeg, o Fedi 2022 bydd blynyddoedd 7 i 11 Ysgol Henry Richard yng nghategori 3: Cyfrwng Cymraeg.

- Bydd yr Ysgol yn cynnig ystod eang o'u Meysydd Dysgu a Phrofiad drwy gyfrwng y Gymraeg.
- Bydd o leiaf 60% o ddysgwyr sy'n ymgymryd ag o leiaf 70% o'u gweithgareddau ysgol (cwricwlaidd ac allgyrsiol) yn Gymraeg.
- Bydd disgwyl i bob ysgol Categori 3 barhau i adlewyrchu cyd-destun ieithyddol yr ardal tra'n gweithio tuag at gynyddu eu darpariaeth cyfrwng Cymraeg dros amser.

Disgwylir i ddisgybl sydd wedi ei asesu yn y Gymraeg fel iaith gyntaf hyd at flwyddyn 6 i barhau â'i addysg cyfrwng Cymraeg ym mlwyddyn 7 ac ymlaen. Bydd yn dilyn Cymraeg iaith Gyntaf a phynciau eraill drwy gyfrwng y Gymraeg o flwyddyn 7 ymlaen er mwyn sicrhau dilyniant a pharhad. Yn Ysgol Henry Richard, dim ond y pynciau Saesneg a Gwyddoniaeth a addysgir trwy gyfrwng Saesneg yn unig.




EIN GWELEDIGAETH



Ein gweledigaeth yw sicrhau ysgol gynhwysol sy'n cefnogi pob un dysgwr i lwyddo ar draws ein cwricwlwm mewn amgylchedd hapus, cefnogol ac uchelgeisiol. Mae datblygu a pharatoi dysgwyr i fod yn wybodus a chymryd rhan weithredol yn eu cymunedau lleol, cenedlaethol a rhyngwladol yn greiddiol i'r ddealltwriaeth o werthoedd ysgol a gaiff ei hadlewyrchu yn eu dewisiadau yn y dyfodol a gweithredu ein harwyddair "Mewn Llafur Mae Elw" ar bob lefel gymdeithasol a phersonol.

Mae llais ein dysgwyr yn hanfodol trwy gydol eu taith yn yr ysgol hon, gan arwain at gwricwlwm cytbwys ac eang er mwyn meithrin annibyniaeth, hyder a gwytnwch ar gyfer paratoi ar gyfer dyfodol disglair.

GWERTHOEDD YR YSGOL



Mae gennym 7 o werthoedd pwysig yn Ysgol Henry Richard. Pob hanner tymor bydd ffocws ysgol gyfan ar un o'r gwerthoedd hynny mewn gwasanaethau, arddangosfeydd, sesiynau bugeiliol, o fewn gwersi yn ogystal ag yn yr iaith ac ethos o amgylch yr ysgol o ddydd i ddydd.

Y PEDWAR DIBEN


Dyma Bedwar Diben y Cwricwlwm newydd i Gymru ar ffurf ein cymeriadau ni yn Ysgol Henry Richard.

Yn Ysgol Henry Richard cewch gyfleoedd i ddatblygu elfennau o bob un o'r cymeriadau hyn trwy brofiadau gwerthfawr... er mwyn bod y gorau y gallwch chi fod!



Mae'r Cyngor DYSGlair, sef Cyngor Addysgu a Dysgu'r ysgol, yn gyfrifol am sicrhau bod Cwricwlwm a systemau addysgu a dysgu'r ysgol yn ddisgybl ganolog

Sganiwch y côd qr i wyllo cyflwyniad gan y Cyngor DYSGlair



Dechreuir taith addysgol disgyblion Ysgol Henry Richard yn y Meithrin fel y cam cyntaf yn FfêS 1. Yn gyffredinol, derbynnir plant i'r Meithrin yn rhan-amser yn ystod y tymor ar ôl eu pen-blwydd yn 3 oed. Yn yr un modd, cychwynnir yn y Dosbarth Derbyn y tymor ar ôl eu pen-blwydd yn 4 oed. Gweler tabl trefniadau cofrestru isod:

	Oedran	Dyddiad y mae'n rhaid cyrraedd yr oed priodol	Dyddiad dechrau
Rhan amser	3	Awst 31ain	Tymor yr Hydref
Rhan amser	3	Rhagfyr 31ain	Tymor y Gwanwyn
Rhan amser	3	Mawrth 31ain	Tymor yr Haf
Llawn amser	4	Awst 31ain	Tymor yr Hydref
Llawn amser	4	Rhagfyr 31ain	Tymor y Gwanwyn
Llawn amser	4	Mawrth 31ain	Tymor yr Haf

O oed Meithrin hyd at ddiwedd Blwyddyn 2, bydd eich plentyn yn dilyn cwricwlwm Dysgu Sylfaen. Yn ystod y cyfnod yma mi fydd yn astudio'r meysydd canlynol:

Datblygiad Personol a Chymdeithasol, Lles ac Amrywiaeth Ddiwylliannol

Sgiliau Iaith, Llythrennedd a Chyfathrebu

Datblygiad Mathemategol

Gwybodaeth a Dealltwriaeth o'r Byd

Datblygiad Corfforol


Datblygiad Creadigol

Ym mlynnyddoedd 3 a 4 cyflwynir y Cwricwlwm Cenedlaethol ar ffurf gweithgareddau thematig a phynciol. Dilynnir themâu sbardunol a diddorol ar gylchdro o 4 mlynedd. Ein bwriad yw cynnig darpariaeth gyfoethog i bawb sydd ar flaen y gad, gan roi profiadau bythgofiadwy i'r dysgwyr. Caiff y dysgwyr gyfle i fynd ar drip sbardun unwaith y tymor pan fo hynny'n bosibl.

Ym mlynnyddoedd 3 a 4 bydd eich plentyn yn astudio'r meysydd dysgu a phrofiad canlynol:

Cymraeg, Saesneg, Mathemateg, Gwyddoniaeth, Technoleg, Technoleg Gwybodaeth, Astudiaethau Crefyddol, Daeryddiaeth, Hanes, Addysg Gorfforol, Addysg Personol a Chymdeithasol, Celf a Cherddoriaeth.

Arweinydd FfêS 1:- Miss Sioned Davies



Ffê 2 yw ffê ganol yr ysgol ar gyfer disgyblion ym mlynnyddoedd 5 i 8. Bydd y disgyblion yn Ffê 2 yn parhau i ddatblygu eu sgiliau gan sicrhau trosglwyddiad effeithiol o flwyddyn 6 i 7. Yn ogystal, dyma'r Ffê bwysig lle rydym yn cael croesawu i'n plith y disgyblion hynny sy'n ymuno â'r ysgol ar gyfer eu haddysg uwchradd.

Yn ystod blynnyddoedd 5 a 6, bydd y disgyblion yn astudio'r Meysydd Dysgu a Phrofiad canlynol:

Cymraeg, Saesneg, Mathemateg a Rhifedd, Gwyddoniaeth a Thechnoleg, Iechyd a Lles a gwersi Thema sy'n cynnwys Celfyddydau Mynegiannol a'r Dyniaethau. Caiff disgyblion Blynnyddoedd 5 a 6 eu haddysgu yn y sector cynradd gan athrawon dosbarth yn ogystal â gan arbenigwyr uwchradd er mwyn cyfoethogi eu profiadau a sicrhau y gallant fanteisio ar holl gyfleusterau Ysgol Henry Richard. Maent yn rhannu amser cinio ac amseroedd chwarae gyda disgyblion Ffê 1.

Yn ystod blynnyddoedd 7 ac 8, bydd y disgyblion yn astudio'r Meysydd Dysgu a Phrofiad canlynol:

Cymraeg a Llythrennedd, Saesneg, Literacy ac Ieithoedd Tramor Modern, Gwyddoniaeth a Thechnoleg, Dyniaethau, Celfyddydau Mynegiannol ac Iechyd a Lles. Mae Cwricwlwm Blynnyddoedd 7 ac 8 yn eang a chytbwys er mwyn eu paratoi tuag at wneud dewisiadau pwysig ar ddiwedd blwyddyn 8.

Arweinydd Ffê 2:- Mr Iwan Davies



TROSGLWYDDO I FLWYDDYN 7



Wrth drosglwyddo i flwyddyn 7 byddwch yn cyfarfod â nifer o wynebau newydd sy'n gweithio mewn amrywiaeth o gyfadrannau amrywiol.

Er mwyn dod i adnabod pawb yn well beth am ymweld â thudalen 'Gwybodaeth' yr ysgol ar ein gwefan. Yno, cewch gyfle i wyllo ffilmiau amrywiol wedi eu paratoi gan bob cyfadrann er mwyn ymbaratoi tuag at y cam nesaf yn eich addysg.

Sganiwch y côd qr i ymweld â'r wefan er mwyn gwyllo ffilm am bob cyfadrann.



SESIYNAU PONTIO

Wrth baratoi tuag at drosglwyddo i flwyddyn 7, credwn yn gryf mewn darparu cyfleoedd Pontio. Bydd disgyblion Blwyddyn 6 yn ymweld â'r ysgol unwaith bob hanner tymor er mwyn ymgyfarwyddo gyda gwahanol gyfadrannau o fewn yr ysgol.

Ar ddiwedd tymor yr Haf fe fydd cyfle i ddisgyblion Blwyddyn 5 ymuno gyda Blwyddyn 6 ar gyfer sesiwn Pontio olaf y flwyddyn.

Dyma'r dyddiadau Pontio ar gyfer y flwyddyn academiaidd hon:-

Dyddiad - Date	Cyfadrann - Faculty
26.10.23	Mathemateg a Rhifedd Mathematics and Numeracy
30.11.23	Celfyddydau Mynegiannol Expressive Arts
01.02.24	Dyniaethau Humanities
14.03.24	Ieithoedd, Llythrennedd a Chyfathrebu Languages, Literacy and Communication
25.04.24	Gwyddoniaeth a Thechnoleg Science and Technology
04/07/24	Iechyd a Lles Health and Well-being

FfêS 3 yw ffêS hŷn yr ysgol sy'n cynnwys disgyblion ym mlynedd 9 i 11.

Mae Ysgol Henry Richard yn ymfalchïo yn y ffaith ein bod yn medru cynnig amrywiaeth o gyrsgau i'r safon uchaf yng Nghyfnod Allweddol 4. Mae gennym athrawon a staff ymroddgar dros ben sydd yn cynorthwyo'r disgyblion i sicrhau llwyddiant. Yn ystod ffêS 3, bydd disgyblion yn astudio'r pynciau isod:


Cymraeg, Saesneg, Mathemateg, Gwyddoniaeth, Addysg Grefyddol, Addysg Gorfforol, Addysg Personol a Chymdeithasol (ABCh) a'r Bagloriaeth Cymreig.

Yn ogystal, gall y disgyblion ddewis o'r pynciau isod ar gyfer TGAU:

Addysg Gorfforol, Amaethyddiaeth, ASDAN/COPE, Astudiaethau Crefyddol, Busnes, Bwyd a Maeth, Celf a Dylunio, Cerddoriaeth, Daeyddiaeth, Drama, Dylunio a Thechnoleg, Ffrangeg, Ffotograffiaeth, Gwyddoniaeth Driphlyg, Hanes, Iechyd a Gofal Cymdeithasol, Mathemateg Ychwanegol, Sgiliau Gwaith, Technoleg Gwybodaeth a Thecstilau.

Wrth i'r disgyblion ddechrau'r ar eu haddysg yn FfêS 3 y prif ffocws fydd sicrhau eu bod yn dewis cyrsiau addas ar gyfer y dyfodol. Ar ddiwedd blwyddyn 8 bydd y disgyblion yn dewis un TGAU ac yn dechrau ar y cyrsiau hyn ar ôl hanner tymor yn nhymor yr haf. Yn ystod CA3 bydd cynnydd disgyblion yn cael ei dracio'n ofalus er mwyn rhoi pob cyfle iddynt gyrraedd eu potensial academaidd. Yn ogystal â chanolbwyntio ar waith academaidd, anogir pob disgybl i gymryd rhan mewn gweithgareddau allgyrsiol. Yn ogystal â hyn, drwy'r eu cyfnod yn FfêS 3, bydd yr ysgol yn trefnu profiadau cyfoethog i ddisgyblion yn ffocysu ar brofiadau sy'n gysylltiedig â byd gwaith.

Arweinwyr FfêS 3:— Mrs Louise Sherman (Llun, Mawrth, Mercher a Dydd Gwener)
Mrs Meira Harries (Dydd Iau)



GOFAL BUGEILIOL

Mae Ysgol Henry Richard yn ysgol hapus a cheir perthynas arbennig o dda rhwng staff yr ysgol a'r disgyblion. Mae cymuned yr ysgol yn un gynhwysol a'n nod yw bod llais pob disgybl yn cael ei glywed. Mae gan yr ysgol gyngor ar gyfer pob ffês. Mae'r aelodau'r cynghorau ffês yn cyfarfod yn rheolaidd er mwyn rhoi cyfleoedd i ddisgyblion

- i leisio barn am yr ysgol
- i gynnig newidiadau a gwelliannau
- i gynrychioli cyfoedion
- i ddatblygu sgiliau arwain
- i sicrhau hawliau teg i ddisgyblion yr ysgol
- i helpu i sicrhau llwyddiant yr ysgol

Mae rhai o aelodau o bob cyngor ffes yn cynrychioli eu ffês ar y prif gyngor ysgol. Arweinir y Cyngor Ysgol gan y prifddisgyblion. Credwn mai dyma'r ffordd fwyaf effeithiol o roi llais i gymaint a phosib o ddisgyblion yr ysgol.



Mewn llafur mae elw

Arweinwyr Cynnydd pob Ffês yw'r cyswllt allweddol ar gyfer unrhyw faterion yr hoffech eu trafod ond gallwch hefyd drafod unrhyw faterion gyda'r Uwch Dîm Arwain, sef y Pennaeth, y Dirprwy Bennaeth a'r Pennaeth Cynorthwyol.

Mae gan yr ysgol bolisi cryf ynglŷn â bwlio ac amddiffyn plant ac rydym yn awyddus i daclo unrhyw ddigwyddiadau yn fuan ac yn effeithiol. Os bydd unrhyw beth yn poeni eich plentyn, cysylltwch â ni ar unwaith.



Diogelu

Yn ein hysgol ni mae diogelu plant yn un o'n blaenoriaethau uchaf.

In our school safeguarding children is one of our highest priorities.

Rydym ni am i Ysgol Henry Richard fod yn amgylchedd diogel. Os oes gennych bryderon am les disgybl peidiwch ag eedi cysylltu â:

We want Ysgol Henry Richard to be a safe school environment. Should you have concerns about the welfare of a pupil please do not hesitate to contact:



Mrs Catrin Davies
Pennaeth Cynorthwyl / Deputy Head
Responsible for: Health, Safeguarding, Child Protection



Mr Darren Pugh
Pennaeth
Headteacher



Mrs Ffion Lloyd Davies
CADY
ALCO


YSGOL GYNHWYSOL

Prif nod y ddarpariaeth ar gyfer anghenion dysgu ychwanegol yn yr ysgol yw sicrhau bod ein holl ddisgyblion yn cyrraedd eu potensial o fewn awyrgylch gynhaliol.

Darparwn yn unol â chod ymarfer Cymru ac rydym yn paratoi'n ddyfal tuag at weithredu'r cod newydd gan sicrhau proffiliau Un dudalen i holl staff a disgyblion yr ysgol a chynnal adolygiadau person ganolog. Rydym yn ymfalchïo hefyd o fod wedi ein achredu'n ysgol Awtistiaeth Gyfeillgar gan ASDinfoWales mewn partneriaeth â Llywodraeth Cymru.

Ymdrechwn i adnabod anawsterau dysgu yn gynnar gan ddarparu cefnogaeth yn ôl yr angen. Mae pob disgybl sydd wedi ei adnabod ar y gofrestr ADY yn derbyn cefnogaeth boed hynny trwy waith grŵp bach neu fynediad at gymorth oedolyn arall yn ogystal ag athro/athrawes o fewn neu y tu allan i'r dosbarth. Mae gan y tîm cynorthwyyr brofiad helaeth o weithio gyda disgyblion ag amrywiol anghenion ac rydym yn ymdrechu i gydweithio'n agos gyda'r disgybl, rhieni ac asiantaethau allanol i ddarparu'r gefnogaeth orau posibl.

Mae Hafan yr ysgol ar gael i bawb ac yn cynnig awyrgylch groesawgar i bob disgybl. Cynhelir gweithgareddau ymlaciol mewn awyrgylch dawel adeg egwyl bore a chinio yno ac mae 'r amrywiol ystafelloedd o fewn Hafan yn cael eu defnyddio hefyd ar gyfer sesiynau sgiliau bywyd, gwaith cyfrifiadurol a gwaith bugeiliol gyda sicrhau lles a iechyd meddwl iach yn flaenoriaeth.



YSGOL HENRY RICHARD

Mewn llafur mae elw

ADDYSGU A DYSGU



Wrth anelu at addysgu 'rhagorol', rydym yn cydnabod bod addysgu a dysgu yn elfen graidd i gynllun gwella'r ysgol. Mae gan yr holl fyfyrwyr sgiliau, galluoedd a thalentau arbennig a mae ganddynt oll yr hawl i fanteisio ar gwricwlwm eang, heriol a phriodol.

Mae gan bob myfyriwr hefyd yr hawl i brofi amrywiaeth o arddulliau dysgu ac addysgu sy'n eu galluogi i gyrraedd eu llawn botensial. Trwy addysgu a dysgu llwyddiannus, mae Ysgol Henry Richard yn anelu at ddatblygu'r disgybl cyfan a galluogi ei myfyrwyr i ddod yn ddysgwyr gydol oes.

Mae cyfrifoldeb ar yr holl staff, gyda'i gilydd ac yn unigol, i gyfrannu at weithrediad y cwricwlwm. Mae'n rhaid iddynt gyfrannu'n unigol at roi'r cwricwlwm ar waith. Ymhellach, mae cyfrifoldeb unigol arnynt i geisio darparu gwersi lle mae'r addysgu o'r ansawdd uchaf, a lle mae anghenion yr holl fyfyrwyr yn cael eu diwallu.

Bydd yr ysgol yn tracio cynnydd eich plentyn o'r Meithrin hyd at Flwyddyn 11 a byddwn yn rhannu'r wybodaeth yma gyda chi fel rhieni yn rheolaidd. Trwy wneud hyn gallwn sicrhau dilyniant mewn addysg a chynnydd mewn cyrhaeddiad ein disgyblion.

Dysgir ystod o sgiliau ar draws y cwricwlwm: mae'r disgyblion yn datblygu sgiliau megis gwneud penderfyniadau, datrys problemau a gweithio gydag eraill yn effeithiol.

Bydd ein gwersi yn hybu rhinweddau megis chwilfrydedd, dyfalbarhad a'r gallu i osod targedau personol.

Fel y tystiwyd droeon, un o gryfderau Ysgol Henry Richard yw safon uchel yr addysgu ar draws y cwricwlwm. Credwn mai ein rôl yw cyflwyno cwricwlwm eang a chytbwys mewn gwersi sy'n ysbrydoli ein disgyblion i fwynhau eu haddysg ac i feddwl yn greadigol ac yn ddadansoddol. Mae clywed a gwrando ar lais y disgybl yn un o'n blaenoriaethau a byddwn yn gofyn i'n disgyblion yn rheolaidd am eu barn am eu hadborth am gynnwys y gwersi a gweithgareddau eraill, a defnyddir yr adborth hynny wrth gynllunio ar gyfer y dyfodol. Byddwn yn ystyried anghenion pob disgybl, yn trefnu cefnogaeth benodol ar gyfer rhai a chyfleoedd estynedig i eraill sydd â thalentau mewn gwahanol feysydd er mwyn eu galluogi i ddatblygu eu sgiliau a'u talentau.

Yn sicr, mae'r bartneriaeth hon rhwng ein hathrawon a'n disgyblion yn sail i'n llwyddiant fel ysgol.



CYFLEOEDD ALLGYRSIOL



Mewn llafur mae etw

Ni fydd addysg eich plentyn yn cael ei gyfyngu i'r ystafell ddosbarth yn unig. Rydym yn manteisio ar ystod o gyfleoedd sy'n rhoi profiadau dysgu cyfoethog i'n disgyblion. Mae gan yr ysgol draddodiad cryf o gystadlu ar y cae chwarae ac ar lwyfannau eisteddfodau. Mae'r disgyblion yn cael cyfleoedd cyson i berfformio o flaen cynulleidfa.

Un o gryfderau mawr Ysgol Henry Richard yw'r cyfleoedd a gaiff y disgyblion i ddatblygu eu sgiliau wrth gymryd rhan mewn gweithgareddau amrywiol ar hyd y flwyddyn; o'r llwyfan mewn gweithgareddau celfyddydol a siarad cyhoeddus i'r maes chwarae, mewn gweithgareddau gyrfaoedd a busnes a hybu diddordeb gwleidyddol i weithgareddau amgylcheddol.

Fel disgybl yn Ysgol Henry Richard, fe gaiff eich plentyn lu o gyfleoedd gwahanol i ddatblygu eu diddordebau personol ac i brofi pethau newydd.

Mae gweithgareddau'r Urdd yn boblogaidd yn yr ysgol gyda llwyddiant blynyddol yn yr eisteddfod ar y llwyfan mewn cystadlaethau cerddorol, llefaru a siarad cyhoeddus ac yn y maes celf a dylunio. Bydd yr adran Addysg Gorfforol yn cystadlu hefyd mewn twrnameintiau a drefnir gan yr Urdd, twrnameintiau sirol a gemau ar ôl ysgol yn erbyn ysgolion y sir.

Rydym yn ymfalchïo yn llwyddiant ein disgyblion yn yr holl feysydd hyn.

Trefnir teithiau yn flynyddol i ymweld ag orielau celf, i berfformiadau byw mewn theatrau a neuaddau cyngerdd yn ogystal â theithiau preswyl i ddinasoedd, gwersylloedd yr Urdd ac i sgîo.



Fel ysgol 3-16, anelwn at wneud y defnydd gorau posib o adnoddau dynol, cyfleusterau ac ystafelloedd dysgu er mwyn darparu cyfleoedd ardderchog i holl ddisgyblion yr ysgol. O ganlyniad, ceir trefniadau gwahanol i rediad y dydd ar gyfer y sector cynradd a'r sector uwchradd.

Diwrnod ysgol disgybl Meithrin i flwyddyn 6:

Sesiwn	Amser
Clwb Brecwast	8:00 – 8:45
Drysau'n Agor / Cyfnod Darllen	8:45
Sesiwn 1	9:00
Egwyl	10:10
Sesiwn 2	10:30
Amser Cinio Meithrin a Derbyn	11:45
Amser Cinio Bl 1 - 6	12:00
Sesiwn 3	1:00
Egwyl	2:15
Sesiwn 4	2:30
Diwedd Dydd i'r Cyfnod Sylfaen	3:25
Diwedd Dydd i Gyfnod Allweddol 2	3:30

Diwrnod ysgol disgybl blynyddoedd 7 i 11:

Sesiwn	amser
Cofrestru	9:00am
Gwasanaeth	9:05am
Gwers 1	9:20am
Gwers 2	10:10am
Egwyl	11:00am
Gwers 3	11:15am
Gwers 4	12:05pm
Cinio	12:55pm
Cofrestru	1:50pm
Gwers 5	1:55pm
Gwers 6	2:45pm
Diwedd y dydd	3:35pm

Rhan annatod o draddodiad ysgol yw balchder yn ei gwisg arbennig. Credwn ei fod yn gwneud i'r disgybl deimlo yr un mor bwysig ag unrhyw ddisgybl arall a'u bod yn aelod o dîm a chyfundrefn. Disgwylir i'r disgybl gynnal safon o daclusrwydd a chywirdeb mewn gwisg bob amser. Ystyrir bod gwisgo'r wisg ysgol yn rhan hanfodol o ddisgyblaeth yr ysgol ac mae'n orfodol i ddisgyblion o flwyddyn 7 – 11.

Gwisg ysgol hyd at Flwyddyn 6

Sgert ddu hyd y benglin neu

Trwser traddodiadol du (dim jeans / leggings / jeggins)

Crys polo llwyd Marl Grey (Trutex) gyda logo'r ysgol

Crys chwys Scarlet (Trutex) gyda logo'r ysgol

Gwisg haf opsiynol hyd at Flwyddyn 6

Bechgyn – siorts du wedi teilwrio



Alison Jones Schoolwear

01970 625288

07808174847

alisonjones.schoolwear@btinternet.com

GG Designs

01570 493561

07969 295206

gg.designs@outlook.com

Ffigar Embroidery

www.ffigarembroidery.com

sales@ffigarsports.co.uk

01970 617565

Gwisg Ysgol Blynnyddoedd 7 - 11

Sgert ddu hyd y benglin neu	Trwser traddodiadol du (dim jeans / leggings / jeggings)
Crys gwyn (llewys byr neu hir)	
Tei ysgol wedi'i gynllunio'n arbennig	
Siwmpwr gwddf V llwyd tywyll (profoma50) gyda llinell coch a du o amgylch y gwddf a logo	
Opsiyndol - <i>Blaser</i> ddu gyda logo'r ysgol	
Esgidiau du	
Sanau / teits du	
Gwisg opsiyndol Bl 7 i 11 - Tymor yr Haf	
Crys polo coch gyda logo'r ysgol	
Bechgyn – siorts du wedi teilwrio	

Cit Chwaraeon Blynnyddoedd 7 - 11

Crys polo chwaraeon gyda logo'r ysgol – coch gyda phaneli ochr ddu (100% <i>polyester</i> chwaraeon)	
'fit' safonol neu 'fit' merched	
Merched - 'Skort' gyda logo'r Ysgol - coch gyda phaneli ochr ddu (100% polyester chwaraeon)	
Bechgyn - Siorts du gyda logo'r ysgol	
Sanau – 'hoops' coch a du	
Cit Chwaraeon opsiyndol blynnyddoedd 7 – 11	
Hoodie' gyda logo'r ysgol – du gyda phaneli ochr coch (Polyester/cotwm)	
Trowser chwaraeon / tracwisg – du	



Alison Jones Schoolwear

01970 625288

07808174847

alisonjones.schoolwear@btinternet.com

GG Designs

01570 493561

07969 295206

gg.designs@outlook.com

Ffigar Embroidery

www.ffigarembroidery.com

sales@ffigarsports.co.uk

01970 617565

YSGOL RIENI-GYFEILLGAR




Ein rhieni yw un o'n partneriaid pwysicaf fel ysgol. Rydym yn credu'n gryf mewn rhannu'n gyson gyda rhieni y cynnydd mae eu plant yn ei wneud yn ogystal â hysbysu am yr holl ddigwyddiadau a newyddion. Defnyddir system parentmail i ddanfôn llythyron a negeseuon i rieni. Gwelir y newyddion diweddaraf am yr ysgol ar ein gwefannau cymdeithasol ac ar ein gwefan www.ysgolhenryrichard.cymru

Mae gan yr ysgol Gymdeithas Rhieni ac Athrawon gweithgar a chyfeillgar sy'n cyfarfod yn rheolaidd i godi arian a threfnu digwyddiadau trwy gydol y flwyddyn. Mae croeso cynnes i bawb i ymuno â'r gymdeithas hon.

Mae cydweithio gyda rhieni yn holl bwysig i ni fel ysgol a chasglwn safbwyntiau rhieni yn gyson trwy holiaduron a chyfarfodydd.

Rydym ni hefyd yn trefnu nosweithiau agored a nosweithiau ymgynghorol drwy gydol y flwyddyn i rannu gwybodaeth am y cwricwlwm a chynnydd ein disgyblion. Ceir yr holl wybodaeth hynny yng nghalendr yr ysgol.

Edrychwn ymlaen at gydweithio gyda chi!



MANYLION CYSWLLT

Pennaeth – Mr Dorian Pugh
Ysgol Henry Richard
Ffordd Llanbedr Pont Steffan
Tregaron
SY25 6HG
Ffôn: 01974 298231
Ebost - gweinyddu@henryrichard.ceredigion.sch.uk
Gwefan - www.ysgolhenryrichard.cymru



I GOFRESTRU

I gofrestru eich plentyn ar gyfer Ysgol Henry Richard ewch draw i wefan Cyngor Sir Ceredigion www.ceredigion.gov.uk neu sganiwch y côd qr a dilynwch y ddolen.



YSGOL HENRY RICHARD